

樹

藝

篇

菓部第七

柑橘下

摠

正月上旬將橘子并柑橙之類擘破逐瓢排下肥地多用  
冷灰蓋之仍用鬆泥封蓋四圍揀籬勿令踐踏出後明年  
九月中分種或當年亦可特長再移若去瓢單下核者凍  
死不出及經踐踏者亦不出

元三

凡橘樹小時分種可脫泥若長一二尺後脫泥立槁死洞  
庭山人云分種時取置水中泥自落蒂泥種者反不盛若  
以手分傷根上細鬚用水則根既脫泥又不傷其根也  
橘刺及煩枝二月中須脩治報芽時下生根不宜澆六七

元三

月澆清水或輕糞臘月中可澆肥澆時不必作盤盛水慮傷其細根止用鋤頭鏖鬆澆之樹下有草則少結宜除去亦忌澆猪糞

元立

凡橘柚之屬俱於小雪前後摘實太早太遲皆不宜元立  
橙橘小者冬至後用稻草包護開早則葉脫直至春分前  
開乃不落洞庭山人云不須用草包護凡樹曾經霜雪自  
然茂盛若包裹者遇霜雪易凍死勸予盡去其蓋良有理  
也

元立

永嘉之柑為天下冠有一種名未來花比柑橘其香絕勝  
以箋香或降真香作片錫為小甌實花一重香骨一重常

使花多於香竅甌之旁以拭汗液以罌貯之畢則徹甌去  
卷以液漬香明日再蒸凡三四易花暴乾置磁罌中密封  
其香最佳朱栞乃好柑之祖栽接之法始取朱栞核洗淨  
下肥土中一年而長名曰柑淡其根簇然明年移而踈  
之又一年木始大盈握遇春則取柑之佳品或摘之美者  
接於本身則盡為佳者矣朱栞乃枳也

游宦紀聞

國子朱司業言南方柑橘雖多然亦畏霜每霜時亦不甚  
收惟洞庭霜多雖無所損詢彼人云洞庭四面皆水也水  
氣上騰尤能閣霜所以洞庭柑橘最佳歲收不耗正為此  
尔

文昌雜錄

橘極難種吾居山十年凡三種而三禍死其初移栽皆三四尺餘一歲便結實累然可愛未幾偶歲大寒君雪即立禍雖厚以言覆草擁不能救也蓋性極畏寒而吾居在山之半又面北多北風与平地氣候絕不同山前梅花及桃李等率常先開半月蓋五七里之間如此今吳中橘亦惟洞庭東西兩山最盛他處好事者園圃僅有之不若洞庭人以為業也凡橘一畝利數倍而培治之功亦數倍於田橘下之土幾於用擲未嘗小以瓦甃雜之田自種至刈不過一二耘而橘終歲耘無時不使見纖草地必面南為屬級次第便受日每歲大寒則於上風焚糞壤以溫之吾不

如老圃信有之矣 避暑錄

綠橘出洞庭東西山比常橘特大未霜深綠色臍間一點  
先黃味已全可噉故名綠橘又有平橘比橘綠差小純黃  
方可噉故品稍下而其皮正入藥今市賣橘皮多雜以柑  
皮及永嘉屬橘皮不可不察芝田錄云常蘇州寄橘詩云  
後欲頭三百顆洞庭須待滿林霜蓋南史有人題書尾曰  
洞庭霜橘三百顆常正用此事余按王右軍帖亦云奉橘  
三十枚霜未降不可多得同出於此 吳郡志

橘生於江南素華丹實皮既馨香又有善味尤生於洞庭  
之包山過江北則無故曰江南種橘江北為枳考工記曰

喻淮而北為枳則有異同故橘頌云后皇嘉樹採服兮受  
命不遷生南國兮高貢揚州厥包橘抽錫貢言錫而貢之  
地理志曰蜀郡嚴道巴郡朐忍魚復二縣出橘有橘官又  
曹叔吳物志交趾橘官長一人秩三百石主歲貢御橘越  
人歲多橘稅謂之橙橘戶吳闕澤表請除臣之橘籍是也  
春味運斗樞曰璇星散為橘弓人以橘為幹又有甘橘其  
形似橘而圓大皮色生青熟則黃赤未經霜時尤酸霜後  
甚甜故名曰子生嶺南及江南上林賦曰黃甘橙檮檮小橘也出武陵  
郭璞曰黃甘橘屬而味精崔豹古今注曰甘矣形如石榴  
者謂之壹枳其名別於此唐天寶十載宮中結實與江劍

無殊今洞庭之包山歲貢謂之洞庭甘李衡臨終勅其子  
曰龍陽洲裏有千頭木奴及柑橘成歲得絹數千匹即江  
陵千樹橘比千戶侯之義也本草橘柚條云酸者聚痰甜  
者潤肺 尔雅翼

真柑出洞庭東西山柑雖橘類而其品特高芳香超勝為  
天下第一浙東江西及蜀果州皆有柑香氣標格悉出洞  
庭下土人亦甚珍貴之其木畏霜雪又不宜旱故不能多  
實及特久方結實時一顆至直百錢猶是常品稍大者倍  
價併枝葉剪之飭盤時金碧璀璨已可人矣安定郡王以  
釀酒名洞庭春色蘇文公忠為作賦極道包山震澤土風



而極於追鵝夷而酌西子其貴珍之貴矣又有三日手摘  
香之詞則其芳烈又不待言而知 吳郡志

紹興中歲入貢號絕品橘錄云真相皮細而味美熟最早  
歲至來春其色如丹在品為最珍者也 蕪州府志

自昔言橘者必稱洞庭如常應物詩洞庭須待滿林霜梅  
聖俞詩洞庭朱橘未弄色蘓子瞻賦駕洞庭之白浪卷震  
澤而與俱還蓋禹貢揚州厥包橘柚錫貢洞庭揚州分也  
其貢橘久矣自淮以南產橘之地固多然本草云橘非洞  
庭不香其見重且也凡橘一畝培治之功視田數畝永樂  
三年大水傍湖橘樹悉以浸死景泰四年冬大雪積五尺

餘明年正月太湖冰厚二尺諸山橘十槁七八弘治十四  
年至十六年連歲大雪山之橘斃惟橙獨存唯成步壞物  
之珍者固然耶於是山人多不肯復種橘而衢州江西之  
橘成行於吳下矣其亦氣數之一變乎 震澤編

諸品之中橘為尤勝而橘之品亦復不一曰綠橘皮細多  
液而甘比常橘特大未霜深綠色臍間一點先黃曰平橘  
比綠橘差小純黃色方可啖其皮入藥曰蜜橘以甘得名  
曰糖囊舊名塘南吳文定公以其耳也易今名曰支柑色  
最紅曰染血似支柑而小曰早紅皮薄而先熟曰洪州蓋  
其種自洪州來曰囊橘種自襄陽來其品稍下 同上

十二月培橘樹宜以瓦甕浸溺缸內候甕浮取埋橘樹根邊  
次年必盛涅盤注云如摘得甕其菓子多柑樹為虫所食  
取蟻窩於其上則虫自去十二月內將橘樹根寬作盤澆  
糞三次至春水流二次花實必茂 居家必用

今按橘虫多在木根置蟻於上未必去也以鉄線鉤出  
乃佳以蟻置柑橘此蟻非如今蟻此在交趾則然見稽

含 南方草木狀

澆糞時須離木本大抵冬葉皆不宜令糞着身然澆糞  
亦有節度太肥反不結實也 元三

摠

揀擇好兒柑橘將有眼竹籠內舖草墊底及四圍勿令露  
出重疊裝滿安於人不到處勿令酒氣觸之收至四五月  
間若乾了取出於柑橘頂上用竹針簽小孔數十箇入溫  
蜜湯內浸半日其漿自然充滿與新摘者無異同上  
柑橘以燥松毛逐層舖頓無酒處不爛同上

近有浙人來云衢州等處藏橘皆用乾松毛可以久藏  
如新則此說是也

橘子以薄竹刀就其柄處微革一匝則味不枯同上

橘生南山川谷及江浙荆襄皆有之木高可丈許刺出於  
空間夏初生白花至冬實黃禹貢曰厥包橘抽錫貢注云

大曰柚小曰橘然自是兩種郭璞云柚似橙而大於橘北  
地無此種故橘踰淮而成枳地氣使然也橘有數種有綠  
橘有紅橘有蜜橘有金橘而洞庭橘為勝今充土貢○  
種植之法種子及栽皆可以枳樹截接或掇栽尤易成但  
惟宜於肥地種之冬收實後須以火糞培壅則明年花實  
俱茂乾旱時以米泔灌溉則實不損落惟皮與核堪入藥  
用皮之陳者最良又宜作食料其肉味甘酸食之多痰不  
益人以蜜煎之為煎則佳食貨志云蜀漢江陵千樹橘其  
人与千戶侯等夫橘南方之珍果味則可口皮核愈疾近  
升盤俎遠備方物而種植之獲利又倍焉其利世益人故

非可與它果同日語也

王氏農書

柑甘也橘之甘者也莖葉無異於橘但無刺為異耳種植  
與橘同法生漢唐鄧州而泥山者名乳柑地不弥一里所  
其柑大倍常皮薄味珍脉不粘瓣食不留滓一顆之核纔  
一二間有全無者然又有生枝柑有梅紅柑有嚮柑雖品  
不同而溫台之柑最良歲充土貢烏江浙之間種之甚廣  
利亦殊博昔李衡於武陵龍陽洲上種柑千樹謂其子曰  
吾州里有千頭木奴不責汝衣食歲止一疋亦足用矣及  
甘成歲輸絹數千疋故史游急就篇註云木奴千無三年  
蓋言可以市易穀帛也柑之大者擘破氣如霜霧故老杜

云破柑霜落瓜是也庾堅吾云王逸為賦取對荔枝張衡  
製辭用連石蜜足使萍實非柑蒲萄猶餽其重貴如此  
同上

開元末江陵進乳柑橘上以十枚種於蓬萊宮至天寶  
十載九月秋結實宣賜宰臣表賀有綠蒂含霜芳流  
綺殿金衣爛日色麗彤庭之語外有一合歡實上与妃子  
互相持翫上曰此果似知人意於是促坐同食焉楊太真  
外傳

甘實形如石榴者謂之壺甘古今注

韓詩外傳晏子曰王不見夫江南之樹乎名橘樹之江北

則為枳何則土地使然耳故博物志亦云橘渡江化為枳  
江北之橘未嘗化也本草有枳殼乃江右所謂臭橘耳潘  
安仁為賈謐作贈陸機詩云在南稱甘渡北則橙之非枳  
也無乃誤乎能改之

世以常蘇州詩書後款題三百顆洞庭猶待滿林霜以常  
嘗守蘇蘇遂謂太湖洞庭山產柑橘并以唐吳融序賦及  
王維送人赴越州詩風樵若邪路霜橘洞庭秋蘇子美姑  
蘇詩洞庭甘熟客分金為據而以洞庭湖為非其實不然  
蓋洞庭見於吳楚皆產柑橘第湖山為異耳現襄陽記李  
叔平臨終勅其子曰龍陽洲裏有千頭木奴及柑橘成歲



得絹數千疋審此則龍陽州正在洞庭矣又況晉張華  
詩云橘在湘水側非陋人莫傳劉瑾甘賦云寄生於南楚  
謝惠連甘賦云傾予節兮湖之區徐陵甘云江潭間修竹  
由古以來洞庭湖之有橘曰吳故柳毅扣橘而書始傳至  
若洞庭山之有橘不湊唐吳融序賦未必其名顯也同上  
橘白華赤實皮馨香有味美自漢武帝交趾有橘官長一  
人秩二百石主貢御橘吳黃武中文趾太守士燮獻橘十  
七實同一帶以為瑞異群臣畢賀南方草木狀

柑乃橘之屬滋味柑美特異者也有黃者有賴者謂之  
壺柑交趾以席囊貯蟻鬻於市者其窠如薄絮囊皆連

枝葉蟻在其中并窠而實蟻赤黃色大於常蟻南方甘樹  
若無此蟻則其實皆為群蠹蝕所傷無復一完者矣今華林  
園有柑二株遇結實上命群臣宴飲于旁摘而分賜焉同上  
柑樹高丈許葉厚色深青而澤花白而香俱冬熟其品不  
一八閩通志下同

酥柑葉大實形長而匾皮黃而酥味甘微酸過冬純甘  
佛酥甘一名佛頭酥皮礪硯而虛厚色紅而黃瓢小味酸  
微甘

脂柑出連江又名連江甘葉似酥甘而差小皮紅黃色味  
甘

以上三種俱出閩侯懷三縣

里尾柑出福清縣以地名葉長而圓尖實上小下大皮

黃色頗厚味極甘少核閩侯懷亦出而少呼為蜜橙此種

啖之妙不可言

鳳柑

珠榴柑

先柑

先諸柑而熟俗曰仙柑

青柑

以上四品出泉州

朱柑色朱而澤味甜而香為諸柑之冠

此種亦嘗啖之真佳果也

乳柑吳福間亦有之而漳池尤宜

先柑

白柑花香皮薄亦曰銀柑

胡蘆柑有臍蓋乳柑之別種也 以上五種出漳州

柑橘之品泉漳為盛蒲之所植三二品而已近年以來亦稍有傳其種而植之者郡水南為多

乳柑福人謂之佛蘇柑

先柑

蘇柑

漳柑雖有植者亦不甚多

白柑形似先柑極酸不可敵

龍樹柑似柚其大有過於碗者味酸熟亦微甜 以上出興化

橘樹如柑而葉差小花白而香冬熟其品亦不一

鏡橘一名鏡柑形圓而匾色紅黃皮光瑩有楞味甘微酸

連江橘以其地名花葉差小實匾而圓皮薄色黃味甚甘閩懷候亦出但少耳

洒橘形亦圓扁色紅黃皮薄味甘

四時橘花實相繼頻年不絕皮薄味甘冬熟者尤佳剪橘葉稀少圓尖色黃皮薄味甘酸

猴橘一名橘花葉密而尖小結實最多大僅如錢色黃皮甚薄味甘酸

洞庭橘似鏡橘而差小色紅黃皮薄味甘酸

以上七種俱出閩候懷三縣

匾橘一名塌橘色淡黃皮薄味甘酸出閩縣

里尾橘出福清縣亦以地名葉圓尖而密實扁皮薄其瓣  
明白可數色黃紅味甘香

金橘樹葉花實俱小於諸橘而皮香甘可食尤可蜜煎以  
寄遠以上俱福州府

鳳橘

蜜橘

金橘

洞庭橘

珠榴橘

金豆

以上出泉州

朱橘

絲橘

山橘

洞庭果

沙橘

金橘

金豆

以上出漳州

金橘

南平汝二縣尤多

延平

塌橘

真紅橘

絲橘

洞庭橘

株榴橘

金橘又有一種極小者曰金豆以上出吳化

饅頭柑近蒂起如饅頭尖香味芳勝可比永嘉乳柑海

唐虞衡志

柚子出南州名臭柚大如瓜人亦食之皮甚厚打碑者捲皮蘸墨以代檀刷以墨而不損紙拙便於用此法可傳但北州無許大柚耳同上

柚似橘而大其味尤酸孔安國云小曰橘大曰柚郭璞則曰柚似橙而大於橘禹貢楊州厥包厥柚錫貢橘柚旨耐寒故包裹而致之也錫貢者頒錫命而獻之言不常來

也列子曰吳楚之國有大木焉其名為櫟碧木而冬生實  
丹而味酸食其皮汁已憤厥之疾齊州珍之渡淮而北化  
為枳焉則是其類子虛賦橘柚芬芳蜀都賦家有豎井之  
泉戶有橘柚之園廣志曰成都有柚大如斗呂氏春秋果  
之美者江浦之橘雲夢之柚

爾雅翼

柚似橙而大於橘故兩同書曰孰錫分銀採橙證柚一名  
桃條秦風所謂有條者即此是也碧榦丹實出於江南列  
子曰吳楚云

枳焉故曰橘柚有鄉崔蒲有叢又曰橘柚彫於北徒若  
榴爵於東移晏子曰賜人主前瓜桃不削橘柚不剝此亦



曲礼義核之義葉語曰本草云橘皮苦味柑皮味甘此  
誤也柚皮拙苦不可白口皮甘者乃橙耳橙可登而成之  
柚視其外油然者也 卑雅

橘如柚而小白花赤實蓋亦渡淮而變考工記所謂橘踰  
淮而北為枳此地氣然也書曰厥包橘柚錫貢言錫明不  
常貢也崔寔正論曰橘柚之實堯舜所不常御蓋如是矣  
旧說橘宜見苑則多子故類從以為橘觀苑而實繁榴得  
駭而葉茂也橙亦橘屬若柚而香物類相感志曰葉有兩  
刻缺者是也楚辭云斬伐橘柚列樹若韭此亦退賢進不  
肖之諭世傳伊尹為湯說至味云由之美者猩唇燕髀豹

胎象節魚之美者洞庭之鱖東海之鮓菜之美者崑崙之  
蘋具區之菁和之美者陽濮之姜招搖之桂飯之美者玄  
山之朮不周之栗果之美者江浦之橘雲夢之柚非為天  
子不可得而具已成而天子成天子成則至味具矣卑雅  
新州出變柑有苞大於升者且皮薄如洞庭之橘餘柑之  
所弗及傳云移植不數百里形味俱變因以為名亦如踰  
淮為枳乃風土異也北戶錄

乳甘子味甘大寒主利腸胃中熱毒解丹石止暴渴利小  
便多食令人脾冷發痼癖大腸泄又有沙柑青柑山柑性  
性相類惟山柑皮療咽喉痛効餘者皮不堪用其樹若橘

橘樹其形似橘而圓大皮色生青熟黃赤未經霜時尤酸

霜後甚甜故名柑子生嶺嶺南及江南本嶺經

柑宋時元夕以温州所進柑遍賜從臣謂之傳柑一統志

羅浮柑子開元中方有山僧種於南樓寺其後常貢進貢

幸蜀奉天之歲皆不結實國史補

御園柑續南越至羅浮山有唐時御園柑玄宗幸蜀德

宗幸梁時皆不實僖宗幸蜀花落樹枯一統志

說文曰柚條也似橙實酢呂氏春秋曰果之美者雲夢

之柚列子曰吳楚之園有木焉其名爲檮碧樹而冬

青生實丹而味酸食皮汁已憤厥之疾齊州珍之渡淮

而北化為枳焉裴淵記曰廣州別有柚号曰雷柚實如升  
大風土記曰柚大橘也黃色而味酢音民要術

爾曰曰撥撥注曰柚屬也子大如盂皮厚二三寸中似枳  
食之少味

廣志曰甘有二十一粒有成都平章甘大如升色蒼黃捷  
為南安縣出好耳荊州記曰枝江有名宜都郡舊江北有  
柑園名宜都柑湘州記曰州放大城內有陶侃廟地是賈  
誼故宅誼時種甘猶有存者風土記曰甘橘之屬滋味甜  
美特異者也有黃者有賴者謂之壺甘同上

柑有源柑銀柑饅頭柑以其小尖如饅頭香味不減溫柑

袖其花甚香實大而圓皮甚厚有二種以穰紅白可辨

同上

摘有火橘金橘蜜橘金星金豆等類建昌志

甘子天皇十年上謂宰臣曰近日於宮內種甘子數株今  
殊結實一百五十顆與江南蜀道所進不異宰臣賀表云  
雨露所均混天區而香被草木有性憑地氣而潛通故得  
資江外之珍果為禁中之華實相傳玄宗幸蜀年羅浮  
甘子不實嶺南有蟻大於秦中馬蟻結窠於甘樹甘實時  
常循其上故甘皮薄而滑佳之甘實在其窠中冬深取之  
味數倍于常者酉陽雜俎

柑味甘大寒主利腸胃中毒熱解丹石止暴渴利小便多  
令人脾冷發痼癖大腸洩山柑皮療喉痛餘不堪韃物本  
柑樹石橘形亦似橘而圓大色生青熟黃赤皮厚似橘皮  
味甘炙炮作湯可解酒毒味甘大寒無毒多食令人脾  
冷發痼疾大腸洩致痰主利腸胃中熱毒解丹石止暴渴  
利小便 日用本草

橘有綠橘蜜橘金橘數種皆出自洞庭近歲大寒橘死  
畧尽 松江府志

柑有香柑一種出新莊曰乾柑味極甘無汁以刀剖而食  
之同上

柚 音右

爾雅曰柚條註似橙實酢生江南疏柚一名條禹貢揚州云厥包橘柚孔安國云小曰橘大曰柚呂氏春秋云果之美者有雲夢之柚本草唐本注云柚皮厚味甘不如橘皮味辛而苦其肉亦如橘有甘有酸者名胡甘今俗人或謂證為柚非也

柚橘類本草謂柚一物考之郭璞曰柚似橙而於橘大呂氏春秋曰果之美者有江浦之橘雲夢之柚楚辭亦然華子云柚子無毒治妊孕人喫食少并口淡去胃中惡氣消食去腸胃氣解酒毒治飲食人口氣柚橘二物分矣附之以

俟知者擇焉

食物本草

抽似橙而大不如橘味皮不入藥能解酒毒酸者聚痰甜者潤肺味甘酸溫平無毒治孕婦喫食少口淡去胃中惡

氣

日用本草



橙 一作根

異苑曰南康有美石山有甘橘橙柚就食其美任意取足  
持歸家人嗽輒病或顛朴失徑郭璞曰蜀中有給客橙似  
橘而非若柚而芳香夏秋華實相繼或如彈丸或如手指  
通歲食之亦名盧橘 齊民要術

橙皮香棘可入攪柿或入羹湯極佳李侍即在東湖晚飲  
有詩云如何惜得南烹手更搗香橙為薦腥 漳州府志

橙皮味苦辛溫散腸胃惡氣消食去惡心及胃中浮風氣  
醒宿酒或單食或和鹽及蜜食或作醬醋及和五味入魚  
肉菜中食甚香美且殺虫魚毒其瓢按去酸水細切鹽蜜

煎食去胃中惡氣浮風有大小二種皮厚皺者佳

食物本草

橙其形圓如大橘味苦酸無毒多食傷肝氣作痰飲發瘰癧同檳榔食發頭風惡心主行風氣止惡心癰瘰瘵氣殺虫

魚毒

日用本草

張皮皺而色黃或縷為絲或搗為糝可薦膾膾斫蟹之味

張芸叟詩云異味欲搗糝寒香先漬手

昆陵志

橙子似柑而皮辛一種者為貴曾南豐詩家林香橙有兩樹根纏欽釵凌坡陀鮮明百數見秋實醋綴衆葉傾霜柯翠羽流蕪出天仗黃金戲毬相蕩摩入苞豈數橘柚賤毛鼎始是鹽梅和江湖若遭俗眼慢禁禁尚覓凡木多誰

能出口獻天子一致大樹凌蒼波

連昌府志

橙子皮味苦辛溫作醬醋香美散腸胃惡氣消食去胃中  
浮風氣其瓢味酸去惡心不可多食傷肝氣又以瓢洗去  
酸汁細切和醃蜜煎成煎食之去胃中浮風其樹亦似橘  
枳而葉大其形圓大於橘而香皮厚而皺八月熟證類本草  
橙子皮今人止為果或取皮合湯待賓未見入藥宿酒未  
醒食之速醒

本草衍義

橙子木有刺似朱栾而小永嘉植之不若古桔之盛比年  
始競有之霜經早黃膚澤可愛狀微有似真相但圓正細  
實非真相比人喜把翫之香氣馥郁可似薰袖可以毛鮮

可以漬蜜真嘉果也若真相則無是二三者人自珍之得  
非瞭然在人耳目者蓋真相之細耶 摘錄

橙之芳用在皮甘之耳在瓢其木似橘其葉中細如蜂腰  
其實稍早橙之黃時橘方尚綠其形圓大於橘而香皮厚  
而皺乃正黃色不若甘橘之帶赤也本草云其皮苦辛作  
酢醬香美蓋獨宜為和故張景陽七命云煇以秋橙酌以  
春梅 爾雅翼

橙似橘樹而有刺葉大而形圓大於橘皮甚香厚而皺其  
瓢味酸不堪食以瓢洗去酸汁細切和蜜醃煎成煎食之  
亦佳

唐鄧州多有之江南亦盛北地亦無此種今人取橙皮合湯香味殊美栽植亦無異於橘而其香則橘又不得比焉劉彥冲詩云橙橘柑酸各有能南包橘柚不同升菴中亦抱遺材嘆有客攀條氣拂膺昔人橙詩云吳姬三日手猶香故橙之為果可以薰袖可以毛鮮可漬蜜真佳實也王氏農書蜜橙皮厚而甜第一香橙皮薄味頗酸次之蠟橙皮有氣息止可供蟹又次之然蠟橙有二種一種大而穰不甚酸名橘橙一種小而穰之酸特甚大抵好橙耐久蠟橙易潰不堪久藏橙橘之屬藏菹豆中極妙若須近米邊則不

宜  
神隱

橙若柚而香未有刺可以毛鮮可以漬蜜 姑蘇志

橙皮厚而香其穰極酸不可食格物論云橙橘有刺大者

如杯色黃皮厚歲如沸香氣馥郁可以作湯 吳邑志

橙亦柑類大似佛酥柑而皮光實味酸甜 八閩通志

又一種至冬黃色久而復青名圓青橙 出吳化  
同上

橙有黃橙綿橙脆橙可食 鎮江府志

橙大而香者佳皮可蜜煎 九江府志

好橙葉尖長而色青蠟橙葉圓厚而色黃此其別也向時

橙橘凍死雖蠟橙亦珍重今則好橙盛行矣好橙香味為

勝作湯以用蠟橙根皮鬆若作橙丁不如好橙為勝

金柑 一名金橘

金橘產於江西以遠難致都人初不識明道景祐初始與  
竹子俱至京師竹子味酸人不甚喜後遂不至而金橘香  
清味美置之罇俎光采灼爍如金彈丸誠珍果也都人亦  
不甚貴其後因溫成皇后尤好食之由是價重京師余也  
家江西見吉州人甚惜此果其欲久留者則於罇豆中藏  
之可經時不變云橘性熱而豆性涼故能久也 埤田錄

金橘產於江西諸郡有所謂金柑差大而味甜年來商販  
小株才高二三尺許一舟可載千百株其實累如垂彈  
殊可愛價亦廉矣多根茂者才直二三環往時因溫成皇

后好食價重京師然患不能久留惟藏菽豆中則經時不變蓋橘性熱豆性涼也

游宦紀聞

金橘出營道為天下冠出江浙者皮肉日酸不逮也

桂海虞  
志

金橘生山途間比金柑更小形色頗類木高不及尺許結實繁多取多至數升肉辦不可分止一核味不可食惟置植之開檻中園丁種之以鬻於市亦名山金柑周美成詞有露葉煙梢寒色重攢屋低映小珠簾為是作同上

金柑在他柑特小其大者如錢小者如龍目色似金肌理細瑩圓丹可玩噉者不削去金衣若用以漬蜜尤佳

摘錄

柑樹葉類橘而實圓大倍之有蜜圓獅頭金柑等類近歲



大寒搗死殆尽 建昌志

金柑項銀錫器內或雜以麻油歲之經久不壞 神隱

金柑出崇明縣實小而累其本高三二尺殊為可愛然不可久留惟歲暮豆中則經時不變宋溫成皇后好食之

價重京師 蘇州府志

金橘

即金柑

三月將枳棘接之至八月移栽肥地灌以糞水

便民苗纂

金柑實小如彈丸味帶微酸其本高三尺許累金色一

本千顆惟常熟沙頭最盛別一種稍長者名牛乳柑 姑蘇志

按金柑長大珊瑚有至丈餘者此皆云二三尺蓋未及

也

金橘與柑橘異者柑橘以二月開花而金橘以五六月開  
卷然圓者芳香酷烈可以生啖牛乳者氣味稍劣今人不  
貴也

香櫟

一作香圓

香櫟樹高實大類橙色黃形圓而香芬襲人可搗為湯蘇志

香櫟似柚而大者名香圓

山陰志

香櫟樹有刺葉大而微厚實大者長尺餘黃色皮厚而香可食瓢微酸而苦又有一種色味皆如香櫟形似人手名佛指香櫟又名佛手柑亦名卷柑八閩通志

柚亦名香柑樹高一二丈葉重疊而大卷五瓣而卷氣甚香冽實圓大金黄色皮厚肉小味甘酸一種實扁而小又一種肉紅而甘其種自廣傳來尚未多見八閩通志

香圓木似朱栾葉尖長枝間有刺植之近水乃生其長如

瓜有及一尺四五寸者清香襲人橫陽多有之土人置之  
明窓淨几間頗可賞翫酒闌并刀破之不減新橙也葉可  
以藥病 摘錄

陳藏器云枸櫞生嶺南大葉甘橘屬也子大如盞味辛酸

性溫皮去氣除心頭痰水無別功圖經曰有一種枸

音鉤亦音鉤

櫞音沿如小瓜狀皮若橙而光澤可愛肉甚厚切之如蘿蔔

雖味短而香氣大勝柑橘之類置衣笥中則數日香不散

古作五和糝所用陶隱居云性溫宜人今閩廣江西皆有

彼人但謂之香櫞子或將至都下亦貴之 證類本草

香櫞一名枸櫞皮厚而香有狀如手者名佛指 廣州府志

香櫟其實大小不等謂之香緣者言其香氣緣襲人衣也

澤州府志

香緣本草曰枸櫟其實大小不等皮黃澤肉厚瓢小氣極  
芳者謂之香櫟者言其香氣緣襲人衣也陶隱居云性溫  
宜人莆人多取其葉煎湯以澡小兒

吳化志

枸緣形如瓜皮似橙而金色胡人重之極芬香肉甚厚白  
如盧龍女工競雕縷卷鳥漬以蜂蜜點燕檀巧麗妙絕無  
与為比泰康五年大秦貢十年帝以三疋賜王愷助其珍  
味誇示於石崇

南方草木狀

香櫟橘類大如杯孟香氣馥烈土人取其穰作湯

松江府志

純白齋

裴淵廣州記曰枸櫞樹似橘實如柚大而倍長味奇酢  
皮以蜜煮為糝異物志曰枸櫞似橘大如飯筍皮不香味  
不美可以浣治葛芋若酸漿

齊民要術

朱欒

朱欒顆圓實皮麤瓣堅味酸惡不可食其有至尺三四寸  
圍者摘之置几案間久則其臭如蘭是品雖不足珍然作  
卷絕香鄉人拾其英烝香取其核為種折其皮入藥最有  
補於時

摘錄

朱欒作卷比柑橘大而香就樹採之用篋香細作片以錫  
為小甌每入一重則實香一重使卷多於香窠花甌之旁  
以溜汗液用罌盛之炊畢徹甌去花以液浸香明日再蒸  
凡三換卷始暴乾入甌罌窠盛之他時聞之如在柑林中

同上

香藥

香藥大於朱藥形圓色紅芳馨可玩

同上

枸橘

枸橘色青氣烈小者似枳實而大者似枳殼能治逆氣心

胃痺痛中風便宜醫家多用之

同上

枳叢生多刺實不堪食俗呼枸橘

毘陵志

山橘子

山橘子冬熟有大如土瓜者次如彈丸者皮薄下氣晉寧

多有之

北戶錄



東部第八

水果

西瓜

藕 蓮實附

芡

芡

熟薺

茨菰

果部八

西瓜

清明時於肥地掘坑納瓜子四粒待芽出移栽、宜稀澆  
宜頻蔓短時作綿瓠每朝取蚩恐其食蔓待茂盛則不用  
餘蔓卷掐去則瓜肥大 便民畝纂

西瓜出跨塘薦福山者曰薦福瓜出崑山者曰陽莊瓜 莊志  
西瓜元世祖征西域中國始有種 草木子

二月種西瓜宜肥地種掘地作坑如斗大每坑納瓜子四  
枚多種則漫撒苗出後根下壅作土盆多鋤則饒子不鋤  
則無實餘蔓花掐去則瓜肥大 農桑撮要

崇明瓜形長皮白如冬瓜

綱目

種出西域故名西瓜一說契丹破回紇得此種歸以牛糞覆棚而種味甘北方種者甚多以供歲計其南方江淮閩浙間亦效種比北方者差小味頗咸耳種同前瓜法區行差稀名種者望頭上漫擲勞平苗出之後根下攤作土盆畝瓜大者步留一科止留一瓜餘蔓卷皆掐去則實大如三斗拷棹矣味寒解酒毒其子曝乾取仁瀹茶亦得有雲頭者最佳故古人有一片冷沉潭底月六彎斜捲瓠頭雲之句其宿醒未解病暍未蘇得此而食也俗所謂醒醐灌頂甘露洒心也

王氏農書

西瓜形如匭蒲而圓色極青翠經歲則變黃其味類甜瓜  
味耳脆中有汁尤冷五代史四夷附錄云以牛糞覆棚種  
之予携以歸今禁園鄉園皆有亦可留數月但不能經歲  
仍不變黃色鄱陽有文若目疾者曝乾服之而愈蓋其性  
冷故也

松漢紀聞

草木子說西瓜乃元世祖征西域所得按宋洪氏沙漠紀  
聞引五代史及王氏農書說契丹破回紇得其種此說是  
今天下皆植之乃知唐以前經傳所云瓜止是今之甜瓜  
耳未嘗見西瓜也

元龜

瓜經見於詩比也秦故東陵瓜美始以味補昔人謂之瓜

果又謂之茶瓜蓋以之宴饗而享客矣至於今不廢廣志  
曰瓜之所出以遼東廬江今廬州南康九江之地亦云廬  
江云余伏暑時至南康食瓜殊不佳蓋西瓜也五代史載  
胡峤為蕭翰掌書記隨翰入虜中契丹破回紇因得西瓜  
如中國冬東瓜而味甘迺此葉子奇又謂自元太祖征西  
域始得西瓜豈誤以契丹作元耶由是言之則先時所稱  
瓜者自是中國之瓜而今所味啖者乃西瓜爾省城產瓜  
尤不佳土人惟剝其子以剝仁故江西瓜仁至元贈遺為  
名品云按神公傳記青登瓜大如三斗魁玄表丹衷呈素  
含紅似今之西瓜矣豈可謂古所無耶彼交梨火枣之云

難以尽信可也若魏劉楨瓜賦所云藍皮密理素肌丹瓢  
者此何物也豈本一物而西種特嘉故得名爾陸士衡又  
謂其種族類數則有括樓定桃黃瓠白傳金叉蜜甯小青  
大班玄胥素椀狸首虎端按括樓本草所載今之苦瓜也  
惟以入藥稽含雲芝水芝土芝三品則皆甘瓜也張載又  
補羊骹虎掌挂枝蜜甯而廣志曰又載魚瓜羊核瓜女臂  
瓜此數種豈同產而異名歟惟月令所載王瓜生今類以  
園中早熟條瓜有刺者呼之閭尚友謂予云此非也王瓜  
本生土中俗稱土豆者是已張秋崖又云非土豆王瓜生  
如瓜形而小亦有二種前代稱瓜者亦未之及一說匏瓜

亦非瓜也乃星名今中國之瓜凡圓者總名曰菜瓜止以充  
蔬傳曰田中有瓜淹之以為菹者是已小而白色者曰銀瓜  
色黃者曰金瓜二種香色味皆美條而斑者曰生瓜亦曰  
臂瓜微小而色黃者曰黃瓜晚熟者曰秋黃瓜架而垂生  
至尺餘者曰絲瓜別有並蒂生者曰嘉瓜則不常產云有  
卷類海棠而實大如桃者曰木瓜詩曰投我以木瓜是已  
閩中復有一種土生如葛曰土瓜味甘美南人亦以充  
果 陸深豫章抄

金王予可南雲咏西瓜云一片冷裁潭底月六灣斜捲隴  
頭雲又在元世祖前矣 蜀都雜抄

種西瓜須肥鬆地為佳先一年用稻管浸糞坑中一二日  
取出晒乾再浸再晒如此四五次乾之至二月尽每一稻  
管置瓜種四粒稀植之瓜極大而甘

西瓜按五代史云胡嶠為蕭翰掌書記隨翰入契丹得契  
丹破回紇時種以牛糞覆棚而種之大如中國冬瓜其味  
甘因名其實圓碧外堅子有四色黃紅黑班北客云瓜凉  
可止煩渴過食不為害其仁甘溫今嶺南在之有之

廣州府志

西瓜淘金驛地方出舊無此種邑人六七月間皆往贛州  
及吉水大洲販賣二處之瓜小而止淡其價頗貴弘治初  
年驛丞山東館陶縣人徐綱來任始教民種之由是尽得



其法而種之者益廣其大如斗味亦甘美与北方之產無異  
城西李穆詩淘金上下十余家弘治年來盡種瓜李得徐  
丞培奉法如今翻向北人誇 秦和縣志

西瓜有小藤不結實謂之賊藤須掐去則瓜大又用豆餅  
於黃昏時覆根上明旦去之如此一二次則瓜甘美此亦  
不可解歸子建聞江東人說

西瓜味淡甘寒壓煩熱消暑毒療喉痺有天生白虎湯之  
號多食作洩痢与油餅之類同食損胃一種名楊溪瓜秋  
生冬熟形略長圓而大瓢色嫩紅味勝西瓜可留至次年  
夏間或曰是異人所遺之種也 食物本草

西瓜色如青玉子如金色或黑麻色北地多有之契丹破  
回紇得此種以牛糞覆而種之大圓如飽味甘極淡性寒  
有毒可生食王璽煩渴消暑毒多食喜作吐痢同油餅食  
損胃 日用本草

西瓜蔓生詩綿：瓜賦傳曰大曰瓜小曰瓠其肉有紅二  
種子有紅黑玳瑁三色味甘寒大能止渴多食能滑人腸  
又一種子細如米曰米子瓜產秦州縣 邵武府志

西瓜形如扁蒲而圓色極青翠其味甘冷可留致遠載  
松漠紀聞近多此種或剗其中漬以密經旬皆成汁渴飲  
甚佳 昆陵志

西瓜有黑子者有紅子者近時有紅穰者北方種也鄭坊河

隴產者為上南豐最早熟而小味亦不佳

建昌府志

西瓜出黃土橋者佳然不甚廣市易者皆販自蘇常

松江府志

予嘗疑本草類中不載西瓜後讀五代邵陽全胡嶠陷虜  
記云嶠於回紇得瓜種以牛糞結實大如斗味甘名曰西  
瓜是西瓜至五代始入中國也文選浮甘瓜於清泉蓋指  
黃瓜甜瓜耳

丹鉛總錄

藕蓮子附

總論

荷摠名也華葉等名具衆義故以不知為問謂之荷也昔人正名百物有是哉郭璞以為天華一名芙蓉按說文未發為萏蘭已發為芙蓉芙蓉華之號也蓋亦通曰芙蓉毛詩傳云荷美華也其華萏蘭許慎以為其華曰芙蓉其秀曰萏蘭其實曰蓮之茂者曰華今其的中有青為薏皆倒生兩牙一成菱荷一藕荷也又生一牙為華藕荷帖水生藕者也菱荷無藕卷荷也與華偶生出乎水上亭如繖者是亦或謂之距荷藕荷一本其支旁行為藕節生一華一葉詩曰有蒲與荷蓋荷善傾歌蒲無骨幹而柔從字

說曰藕藏於水其自處平無所加焉其所与污潔白自若  
中有空焉不偶不生若此可以偶物矣茄無枝附泥不能  
汚水不能沒挺出而立若此可以加物矣蓮既有以自白  
又會而屬焉若此可以連物矣菡萏實若白隨昏新闕開  
焉蓮假根以立立不如藕之有所偶假莖以出而不如茄  
之有所加假華以生而不如蓮之有所連菡萏之有菡也  
若此可謂選矣夫畜物者終於吐連物者終於散偶物者  
或折之加物亦不可為常故選在此不在彼也蠹退藏於  
無用而可用見者本焉若此可謂密矣合此衆美則可以  
何物以為夫可以為渠故曰荷吳菜也荷以何物為義故

通於員荷之字碑雅

爾雅曰其花菡萏其實蓮蓋蓇曰芙蓉秀曰菡萏暢茂曰華右今註曰芙蓉一名荷華之最秀異者也大者華至百葉然則華亦謂芙蓉楚辭所謂皋芙蓉兮木末蓋言此也凡物皆先華而後實獨此華果齊生故西域之書多言此詩曰有蒲與荷有蒲與蘭有蒲菡萏荷言其質之柔蘭言其氣之芳菡萏言其色之美拾遺記曰昆沔素蓮一房百子凌冬而茂王文公曰蓮華有色有香得日光乃開數生卑濕淤泥不生高原陸地雖生於水不能沒雖在淤泥不能污即華時有突然華事始則實隱華事已則實

現實始於黃終於玄而莖葉綠葉始生也乃有微赤實既能生根又能生實一而已根則無量一與無量互相生起其根曰蕒常偶而生其中與本華實所出蕒白有空食之心觀本實有黑然其生起為綠為黃為玄為白為青為赤而無有黑無見無因而有見有用皆因以出其名曰蒙退藏於密故也 同上

爾雅曰其本蒙其根藕蓋莖下白藕在泥中者曰蒙藕偶生又善耕泥引長故藕之文从耦名之亦曰藕今江左穿池取汲不畝種藕以藕善耕泥壞池也俗云藕生應月生一節閏輒益一今芋有十二子為衛里俗以為應月之

類曰說赤箭根有十二為衛如芋有風不動無風自搖亦其類也趙辟公雜記曰藕能移鯉能飛龜能守凡美蕒行藕如竹之行鞭耳即生一葉一華二葉常偶生故謂之藕又華初著子首碩在下久之其房倒垂首更在上也同上

藕出西湖者其脆爽口與護安村同匾眼者尤佳其花有紅白二種白者香而結藕紅者艷而結蓮瞿宗吉詩云畫閣東頭納晚涼紅蓮不及白蓮香是也宋時聚景園中有綉蓮紅瓣而黃緣結實如飴

西湖游覽志 藕

圖經曰藕實莖生汝南池澤今處有之生水中其葉名荷謹按爾雅及陸机疏謂荷為美蕒江東呼荷其莖茄其



葉蘼加蘼二音或作葭其本蘼士筆切莖下白蘼音若在  
泥中者其華未發為蘼苗已發為芙蓉其實蓮二謂房也  
其藕根幽州人謂之光旁至深益大如人臂其中的蓮子  
謂青皮白子也中有青長二分為薏中心苦者是也凡此  
數物今人皆以中藥

摠論

蘇州進藕其最上者名曰傷荷藕或云葉耳為虫所傷又  
云欹長其根則故傷其葉近多重臺荷花二上復生一花  
藕乃實中亦異也有生花異而其藕不變者

國史補藕

煜鉢摩華青蓮花也鉢特摩華亦云波頭摩赤蓮花也拘  
母陀華亦云俱物豆亦云俱牟陀紅蓮也奔茶利華亦云

芬陀利白蓮也堵羅錦柳絮之類即梵羅錦也

宮室造華

花

碧筒簞飲是月賞蓮時取蓮葉盛酒以簞刺柄如象鼻然吸飲清香可嘉故名碧筒○解語盃採正開花荷置小金卮

於其中令歌童捧以行酒客受之左手執花柄右手分開

花瓣以口就飲其馨香風致又過碧筒遠甚

俱見水雲錄

葉花

二月種藕蓮濂溪愛蓮說謂蓮乃花之君子故獨愛之但

名同而種不一有紅蓮白蓮千葉蓮並頭蓮惟白蓮產藕

甘美脆嫩可口種法取帶泥小藕栽池塘淺水中不宜深

水待茂盛深亦不妨或糞或豆餅壅之若將蓮子種用堅

黑者石上磨蓮子頭令皮薄泥包裹擲水中易生

同上

菱菱也今人謂卷荷為伎荷伎立也卷荷出水面亭二植  
立故謂之伎荷或作菱非是白樂天池上早秋詩云荷菱  
綠參差新秋水蒲池乃是言荷及菱二物耳

老孝庵筆記 葉

藕味甘平二寒無毒主熱渴煩悶產後血悶散血生肌止  
洩解酒毒開胃止怒久食心歡產後忌生冷惟藕不忌以  
其破血也蒸煮熟則開胃甚補五臟實下焦與密同食令  
腰臟肥不生蟲白蓮者尤佳

食物本草

蓮子味甘平寒無毒補中安心神養氣力益經脉除百病  
止渴止痢治腰痛洩精久服輕身耐老延年不肌多食令  
人喜生者動氣脹人熟者良宜去心葉及房皆破血胎

衣不下酒煮服之葉蒂味苦主安胎去惡血留好血二痢  
煮服之花忌地黃蒜鎮心輕身益色駐顏食物本草

蓮子蓮房內子乾赤色者生食微動氣蒸食之良味甘平

寒無毒主補中清心養神益氣力除百疾

日用本草

石蓮和殼乾者黑堅又名瑞蓮取肉作串以薦酒主益氣

止渴助心止痢治泄精腰痛

日用本草

蓮子心一名薏也其色青味苦甘多食令人嘔吐主療血

竭及產後渴疾益心氣為末米飲調下

日用本草

藕白蓮為佳即及皮能散血蒸食之補五臟實下焦味甘

平寒無毒同密食令人腹臟肥不生虫解酒毒產婦忌食

生冷惟藕不同能破血故也主霍亂後渴煩悶不能食口

乾散血止產後渴疾及血衄血不止搗汁飲

日用本草

荷葉乃葉中蒂也味苦平無毒主安胎去惡血留好血及

血痢者可煮服之

日用本草

蓮房及葉主血脹腹痛產後胎衣不下酒煮服之候食野

菌毒水煮服之能解

日用本草

昔和平上官氏以親嗜西湖藕往取種歸蒔之初不及西湖者乃曰古人尚卧水求鯉子獨不能種藕耶聞藕宜於泥乃置塘畜泥以種其味遂与西湖等至今人珍之曰和

平藕

邵武志

蓮詩註扶渠其花莖莖爾雅云美葉亦名水芝宋之間秋  
蓮賦序云天地清冷紅葉莖莖以清冷對莖莖蓋謂莖莖  
為花開之狀花有紅白碧三種皆結實名為湖目又有千  
葉者無實藕白花者乃甘脆韓昌黎詩云冷比雪霜甘比  
蜜一片入口沉疴痊其條初抽可茹柳子厚云珍蔬折玉

如  
昆陵志

蓮各縣多白蓮花房小而少實惟南豐紅蓮實繁而大

建昌府志

種藕法春初掘藕根即頭著魚池泥中種之當年即有蓮

花

種蓮子法八月九月取蓮子堅黑者於尾上磨蓮子頭令

皮薄取堽土作熟泥封之如三指大長二寸使蒂頭平重

磨去尖銳泥乾時擲於池中重頭沉下自然周正薄易生  
少時即出其不磨者皮既堅厚倉卒不能生也者民要術

藕六七月最佳俗謂之花下藕

山陰志

並頭蓮近自浙中得種分植郡城最為奇品夏泉記曰或  
並頭而闊或四面而拱或褰突而臺或紛糾而綴茜靚款  
盈奇態不可名狀卒之秋露冷之厭而不落雖驚風雨而  
池上無殷紅委瓣殆蕙牡丹之艷與菊之操者也

建昌府志

清明前種花在葉上清明後種花在葉下

此種予近得之亦名四面蓮而不結子其瓣外大而內  
細真奇種也但開時不能尽展輒稿豈土地所不宜耶

二月間取帶泥小藕栽池塘淺水中不宜深水待茂盛深

亦不妨或糞或豆餅壅之則盛

便民圖纂

藕

蓮莖其紅花者實小而甘白華者實大而淡也

蘇州府志

蓮子

藕出吳縣黃山南蕩者最佳花白者鬆脆且甘唐國史補云蘇州進藕其最佳者名傷荷藕食之無滓他產不滿九竅此獨過之以此為辨也

蘇州府志

清明後穀雨前分栽若植缸內須用稻管泥實其半置藕秧於中上用淒泥覆之自盛

藕

碧筒飲起魏正始中鄭公愨三伏之際率賓客避暑於歷城取大荷葉盛酒以簪刺葉令與柄通傳噏之名為碧筒



霏雪錄

葉

種蓮用臘糟少許裹藕種來年發花盛怕桐油瑣碎錄摠

種藕法春初掘取藕三節無損處種入深泥令到硬土殼

兩前種當年有花

同上

蓮荷極畏桐油就池中以手搗去荷葉中間心滴數點桐油入其中雖數頃亦死

同上

種蓮子法八九月取堅黑子尾上磨尖直令皮薄取堦土作熟泥封如三指大長使帶頭甚重令磨須尖臨下欵種時擲至池中重頭向下自然周正薄皮上易生數日即出不磨者率不可生

同上

今按去皮乾蓮心水浸數日報芽埋置泥缸中亦可出  
但不能遽開花耳

歐陽文忠公在揚州作平山堂壯麗為淮南第一堂據蜀  
岡下臨江南數百里真潤金陵三州隱隱若可見公每暑  
時輒凌晨携客往游遣人走邵伯取荷花千餘朵以畫盆  
分插百許盆与客相間遇酒行即遣妓取一花傳客以次  
摘其葉盡處則飲酒往之侵夜載月而歸避暑錄花

近聞臯亭蕩戶云每歲夏月南風少則好藕晒荷葉遇雨  
之所着處皆成黑點歲荷葉則須密室見風則蛀損不堪  
用矣癸辛雜識藕

藕唐蘇州進藕最上者名傷荷藕傷荷之名或云葉耳為  
虫所傷其葉則長其根也 吳郡志藕

二月種藕蓮取藕接頭時就用帶草濕泥包裹却於池塘  
中栽之或用煮酒餅頭上泥栽種當年開花種蓮子用堅  
黑者於甌石上磨蓮子頭令皮薄則易生 堦上取瑾土  
作泥包裹蓮子在內蓮子頭上作尖樣約三指大長二寸  
底下務要平重候泥乾時擲於池中重頭沉下自然周正  
農桑撮要 藕

九月取好肥白嫩藕不拘多少於背陰濕地下埋之經年  
如新要久留以於泥中埋之不壞 神隱

蓮荷實也藕荷根也爾雅云其實蓮其根藕蓮子八月九  
月中收蓮子堅黑者於尾上磨蓮子頭令薄取堽土作熟  
泥封之如三指大長二寸使蒂頭平重磨處尖銳泥乾時  
擲於泥中重頭沉下自然周正皮薄易生不時即出其不  
磨者皮既堅厚倉卒不能生也種藕法春初掘藕根即頭  
着魚池泥中種之當年即有蓮花蓮子可磨為飯輕身益  
氣令人強健藕止渴散血常食之不可王氏農書

芙蓉一名荷華生池澤中實曰蓮花之最秀異者一名水  
芝一名水花色有赤白紅紫青黃紅白二色差多花大者  
至百葉古今注花

種蓮法蓮須以牛糞壤地以立夏前三兩日掘藕根取即頭着泥中種之當年即便開花荷蓮極畏桐油

居家少用

蓮子味甘平無毒主溫五臟養神益氣力除百病久服耐老不飢輕身延年一名水芝八月九月取黑子磨頭令皮薄取瑾土作熟泥封之如三指大長二寸蒂頭平重磨處尖銳泥欹乾時擲水中重頭即自沉向下薄皮向上易生不磨皮厚年不生

居家必用

初春掘取藕梢頭插池中泥裏種之當年便生荷若泥深將損處向下揷之直到硬地乃佳又別本初春掘取藕三即无損處種入泥深令到硬土當年有花

同上

宋景文筆記渭蜀中有蓮大如雀殼葉舒如錢幹亦有絲  
其萼盛開則向日朝則指東亭午則遡南夕則西指隨日  
所至蜀人名曰朝日蓮子按鄭熊蕃禹雜記海南有向日  
蓮花似木芙蓉而極香其花東西向日至暮而謝一呼夜  
合然則景文所記朝日蓮不特蜀中有也

能改三漫錄

藕土產以金壇為勝花時所取曰花下藕尤其脆

鎮江府志

藕

睡蓮葉如荇而大沉於水面其花布葉數重凡五種色當

夏晝開夜縮入水底晝復出也與夢草晝入地夜即復出

一何背哉

北戶錄花

荷葉以袖揩其面則不焦

鎖年錄

藕實莖味甘平寒無毒主補中養神益氣力除百疾久服  
輕身耐老不飢延年一名水芝丹一名蓮生汝南池澤八  
月採本草注陶隱居云此即今蓮子八月九月取堅黑者  
乾搗破之花及根並入神仙用今云莖恐即是根不爾不  
應言耳也宋帝時太官作血蝨醋庖人削藕皮誤落血中  
遂皆散不凝醫乃用藕療血多效也按蜀本圖經云此生  
水中葉名荷圓徑丈尺餘爾雅云荷美渠其莖茄其葉蔞  
其本薹其花莖菡其實蓮其根藕其中的中意是也釋  
曰美渠其摠名也別名芙蓉江東人呼荷莖菡蓮葉也的  
蓮實也薹中心也郭云薹莖下白藕在泥中者今江東人

呼荷花為芙蓉北方人便以藕為荷蜀人以藕為茄或用其母為華名或用根子為母葉號此皆名相錯習俗傳誤失其正體也陸机疏曰蓮青皮裹白子為的二中有青為薏味甚苦故里語云苦如薏是也

證類本草

藕實就蓬中乾者為石蓮子取其肉於砂盆中乾擦去浮上赤色留青心為末少入龍腦為湯點客心志清神然亦有紛紅千葉白千葉者皆不實如此是有四等也其根惟白蓮為佳今禁中又生碧蓮亦一端也

本草衍義

蓮紅白二種紅者為多葉為芙蕖華為菡萏其實曰蓮其根曰藕

九江府志



藕與密同食可以休糧

續博物志

### 摠論

爾雅荷美蕖其莖茄其葉蓮其本密其花蕖其葉蓮其  
根藕其中的二中蕖李巡曰美蕖其摠名也別名芙蓉彫  
璞曰密莖下白藕在泥中者今江東人呼荷華謂芙蓉北  
方人便以藕為荷亦以蓮為荷蜀人以藕為茄或用其母  
為華名或用根子為母葉號此皆名相錯習俗傳誤失其  
正体者也毛詩義疏曰美蕖莖為荷其華未發為蕖已  
發為美蕖其實蓮青皮裹白子為藕二中有青長三分如  
鈎為蕖語曰苦如蕖者也的五月中生二噉脆至秋表皮

黑的成可食可磨以爲飯輕身益氣令人強健又可爲糜  
束時太官作血鱗鮓庖人削藕皮誤落血中遂散不凝醫  
乃用藕療血多效葉可裹物奇師伐梁以糧運不繼調市  
人餽軍建康令孔奐以麥屑爲飢用荷葉裹之一宿之間  
得數萬裹古詩有魚戲蓮葉間今人言池中養蓮者莖葉  
茂密魚動輒損鱗不得遂長古今注一名水芝一名澤芝  
一名水花管子曰五沃之土生蓮

爾雅翼

藕爾雅云其本薹其根藕蓋莖下白藕在泥中者曰薹藕  
偶生又善耕泥引長故藕之文從藕俗云藕生應月之生

一節閨輒益一

建昌府志

蓮實此蓮房中子也蒲地生者虛而不實其根為藕蒲地藕澁多查其葉為荷其荷葉蒂為荷鼻

吳化府志

蓮尔雅曰荷美蕖其莖茄其葉蓮其本密其華莖節其實蓮其根藕其中的、中薏按本草謂近根處白莖也實謂蓮房的謂蓮子亦謂之敷尔雅曰的敷薏謂蓮子中苦心又按本草藕實莖一名水芝丹一名蓮宋太官作血蝟庖人削藕誤血落中遂散不凝自此醫家方知其散血也

本草

藕湖柳陂澤間多有之惟出薛山前羅家池者尤美蘇產或不及也

松江府志

蓮實花紅者實小而其白者大而味淡同上

千葉紅蓮

白蓮花

碧蓮

四面觀音蓮

爾雅曰荷芙蕖註別名芙蓉江東呼荷其莖茄其葉蓮其  
本蓋註莖下白藕在泥中者其華蓋註見詩其實蓮註  
蓮謂房也其根藕其中的註蓮中子也的中蓋註中心苦  
疏李巡曰皆分別蓮莖華葉實之名芙蕖其摠名也別名  
芙蓉江東呼荷蓋註蓮花也的蓮實也蓋中心也郭璞曰  
今江東呼荷花為芙蓉北方人便以藕為荷亦以蓮為荷  
蜀人以藕為茄或用其母為花名或用根子為母葉號此  
皆名相錯習俗傳誤失其正舛者也陸机疏云蓮青皮裏

白子為的。二中有青為意味甚苦。故里語云苦如意是也。  
詩陳風云彼澤之陂有蒲與荷。又曰有蒲與蓮。又曰有蒲  
蘆。蘆是也有蒲與蘭。二當作蓮。傳蘭蘭也。鄭箋云

爾雅曰的藪。藪註即蓮。實疏曰的一名藪。即上釋荷云其  
實蓮其中的也。故郭云即蓮實。

# 菱

種菱法一名菱秋上子黑熟時收取散煮池中自生吳本草云蓮菱災中米上品藥食之安中補歲養神強志除百病益精氣耳目聰明輕身耐老多蒸曝密和餌之長生神仙多種儉歲資此足度荒年

齊民要術

菱即菱角也春秋屈到嗜菱即此葉浮水上花黃白色花落實生有二種一種四角一種二角其老而黑者為烏菱其嫩而紫者為生菱

吳興府志

菱實即菱也俗謂之菱角可以當糧菱亦作菱爾雅菱葢據注云今亦謂菱據

草木畧

菱王安貧武陵記兩角曰菱四角曰菱湖柳及人家池沼  
多種之有青紅二種紅者最早七月初有之名水紅菱稍  
遲而大曰雁來紅青曰鶯哥青而大者曰餛飩菱極大  
者曰蝙蝠菱其最小者曰野菱

松江府志

重陽後收老菱角用籃盛浸河中水內待二三月發芽隨  
水深淺長約三四尺許用竹一根削作火通口樣箱住老  
菱揷入水底若澆糞用大竹打通卽注之

便民畝纂

菱卽菱也今人但言菱諸家草木書亦不分別惟武陵記  
云四角三角曰菱兩角曰菱今蘇州折腰菱多兩角

西陽雜俎

折腰菱唐甚貴之今名腰菱有野菱家菱二種近世復出

餽餽菱最甘香腰菱廢矣

吳郡志

今蘇州折腰菱多兩角乾之曰風菱近又有軟尖花蒂二種產長洲顧邑墓實大而味勝號顧窰蕩菱云唐東嶼詩云交游萍荇侶菰蒲懷玉歲珍似隱儒葉底只因頭角露此生不得老江湖

蘇州府志

菱葉似荇白華赤實其花晝合宵炕隨月轉移猶葵之隨日也舊說鏡謂之菱花以其面平光影所成又有紅白二種白者名餽餽菱惟長洲一種出邑墓特大而美謂之顧窰蕩崑山一種如顧窰蕩而味畧減謂之委縣菱今訛為

留遠

姑蘇志



秋間菱角黑時收取撒在池內則自然生之

農桑撮要

菱一名菱：陵也。世俗謂之菱角。葉浮水上，花開背日，實有二種：一種四角，一種兩角。又有青紫之殊，秋上子黑熟時，收取散着池中自生。食性冷，煮熟為佳，蒸作粉，密和食之，尤美。江淮及山東曝其實，以為米可以當糧，猶以橡為資也。

王氏農書

菱味甘平，無毒。主安中，補五臟，不飢，輕身，不老。三物指藕、芡、悉上品，補氣養神，強志明目，除病，多蒸曝乾，以密和餌之，得長生。

居家必用

爾雅曰：菱，蕨，攢其葉似荇，白華，實有紫角，刺人可食。一名

菱屈到嗜菱即此是也亦名解若說文云楚謂之菱秦謂之解若今俗但言菱菱

諸解草木

諸書亦不分別惟武陵記云四角三角曰菱兩角曰菱其花紫色晝合宵炕隨月轉移猶葵之隨日也群說鏡謂之菱華以其面平光影所成如此庾信鏡賦云照壁而菱華自生是也

埤雅

菱生水中實兩角或四角一名菱菱華覆被水上其花黃白色其實餌之可以斷穀古者洲澤之利與民共之吳楚之風俗當菱熟時士女相與采之故有采菱之歌以相和為繁華流蕩之極招魂云涉江采菱發陽之阿者采菱

之曲也風俗通曰殿堂象東井形刻為荷菱皆水物所以厭火也又昔人取菱花六觔之象以為鏡爾雅翼

菱實味甘平無毒主安中補五臟不飢輕身一名菱本草經陶隱

居云廬江間最多皆取火燔以為米充糧今多蒸曝密和  
餌之斷穀長生水族中又有菰首性冷恐非上品被霜後  
食之令陰不豫又不可雜白粳食之令生虫也唐本注云  
菱作粉極白潤宜人按蜀本圖徑云生水中葉浮水上其  
花黃白色實有二種一四角一兩角孟詵云菱實仙家蒸  
作粉密和食之可休糧水族之中此物最不能治病又云  
令人臍冷損陽氣痿並可少食多食令人腹脹滿者可煖  
酒和姜飲一兩盞即消矣圖徑曰菱菱實田不着所出州  
土今處處有之葉浮水上花黃白色花落而實生漸向水  
中乃熟實有二種一種四角一種兩角兩角中又有嫩皮

而紫色者謂之浮菱食之无美江淮及山東人曝其实入  
以為米可以當糧道家蒸作粉密漬食之以斷穀水果中  
此物最治病解丹石毒然性冷不可多食七療云神仙家  
用發冷氣入含吳茱萸噉其津液消其腹脹矣證類本草  
兩角為菱四角為菱紅者皮薄而鮮美東坡詩云烏菱白  
菱不論錢烏菱老而沉泥者頗不佳且非西湖所有不若  
改為紅菱則於望湖樓景更切也西湖遊覽志

菱種有二葉似荇浮水上湖泊野生者小種於家者色青  
而大九江府志

姑蘇橫涇汭顧密蕩二處所產菱大如拳七八枚可一片

它處莫及余從祖兄克用在陸墓南庄時常以惠士人焦  
味道焦善畫因作採圖以酬之霏雪錄

菱科夏秋採熟食野菜譜

二月種菱取老菱用水泡三日後用手挿入泥中泥欲肥  
根欲深則茂水雲錄

菱今人但言菱菱諸解草木書亦不分別唯王安貧武陵  
記言四角三角曰菱兩角曰菱今蘇州折腰菱多兩角成  
式曾於荊州有僧遺一斗郢城菱三角而無傷可以接莎  
菱一名水果一名解造漢武昆明池中有浮根菱根出水  
上葉淪沒波下亦曰清水菱玄都有菱碧色狀如鷄飛名

翻鷄菱仙人鳧伯子常採之 酉陽雜俎

菱角味甘平無毒主安中補五臟不飢輕身四角三角  
曰菱兩角曰菱又云菱實作粉密和食之可休粮此物  
最不宜人多食令人臟腑冷損陽氣陰氣不強不益脾且  
難化惟解丹石毒主者熟者食致脹滿用姜酒一二杯解  
之不可合白密食令生虫 食物本草

菱實一名菱角有二種一種四角一種兩角有嫩者皮紫  
色謂之浮菱食之尤美江淮乾以代粮大者斫菱小者卒  
菱味甘平冷無毒最不能療病多食生燒虫令人臟冷損  
陽氣痿莖或腹脹滿飲菱酒即消主安中補五臟不可合

器食令人生虫 日用本草

菱一名芰屈到嗜菱即此是也越人江北者為刺菱臣者為大菱四角者為沙角菱產莫盛於山陰每歲八月菱舟環集鑑湖中王翰詩曰不知湖上菱歌女幾箇春舟在若邪王十朋風俗賦曰有菱歌兮声峭山陰志

菱尔雅云菱蕨攢注今水中菱引字林云楚人名菱為菱可食國語屈到嗜菱俗云菱角是也武陵記兩角曰菱四角曰菱通謂之矣毘陵志

武陵記四角三角曰菱兩角曰菱其字不一文作菱注曰楚謂之菱秦謂之辭若菱菱也果也辭若决明也菜也殊



已混淆相如賦外芙蓉菱華則芙蓉也又相如九將  
篇云菱从蓮字作蓮尔雅菱葢攢即决明也尔雅注作  
决光馬大平嬾其子嬾誤作英光史繩以办之黃公紹  
云許慎所注全是菜也又國語屈到嗜菱盖决明之菜  
非水中菱也審矣尔雅既以水中之菱釋菜說文又以  
菜什水中之菱由菱名不一所以致惑今按菱今之菱  
角菱今之鷄頭楚辭緝菱荷以為衣若是菱葉不可為  
衣也緣楚人名菱為菱所以致後世解二物不分又以决  
明參之愈益淆乱楚人多菱為菱見尔雅疏此一解可破  
前數說之紛紛矣

今按武陵記則菱芰本一物但有兩角四角之異耳况鷄  
頭名芰自古不聞以芰名鷄頭也升庵之說恐非的論九  
爾雅曰菱蔎音注菱今水中菱疏陵一名蔎音注字林云  
楚人名菱曰芰可食國語曰屈到嗜芰俗云菱角是也  
說文曰菱茨也廣記曰鉅野大菱也大於常陵淮漢之難  
凶年以芰為蔬猶以預為資鉅野魯藪也有民要術

芡

種芡法一名鷄頭一名鴈喙即今芡子是也由子形上花似鷄冠故名曰鷄頭八月中收取臂破取子散著池中自奔民要術

芡即鷄頭子也周礼蓮實用芡即此生水澤中葉大如盤皺而有刺結實大如拳形數鷄頭其中有子煮熟去殼食之美 吳化府志

芡曰為子曰鴈曰笑曰鴈喙矣曰鴈頭實曰鷄頭實本草曰鷄頭實爾雅鴈笑葉大如荷皺而有刺俗謂之鷄頭盤花下結房形類鷄頭實正圓如榴核大根謂之莢菜並謂

之為蕺亦堪為茹草木畧

芡實葉平鋪水面似荷而大荷花日舒夜歛芡與菱華皆  
盡合宵炕隨月轉移如葵之向日至秋作房如鷄頭實歲  
其中故俗名鷄頭有粳糯二種出周家草者佳松江府志  
鷄頭一名芡實秋間熟時收取老子以蒲包之之浸水中  
三月間撒淺水內待葉浮面移栽深水每料離五尺許先  
以麻餅或豆餅拌勻河泥種時以蘆挿記根處十餘日後  
每料用河泥三四碗壅之便民苗纂

芡俗名鷄頭一名鷄壅

霏雪錄鷄壅見莊子

芡生吳江并黃山青徐淮泗之間謂之芡南楚淮之間謂

之鷄頭蓋取其狀似鳥首蘇子容謂有五穀之耳可以療飢真佳果也 蘇州府志

芡實葉似荷而大俗名鷄頭狀類雞首也出吳江者穀薄色綠味腴出長洲車坊者色黃有粳糯之分楊萬里詩云江妃有訣煮真珠菰飯斗酥軟不如手劈鷄腮金五色盤傾驪頰琲千餘夜光明月供朝嚼水府靈宮恐夕虛好与藍田殮玉法編婦辟穀亦松書 姑蘇志

秋間子熟時收取劈子撒於池內米年自生 農桑撮要  
鷄頭實以原水藏浸新甕中供之旋剝不損神隱

芡一名鷄頭一名雁頭山谷詩云剖蚌煮鴻頭是也葉大

如荷皺而有刺花開向日花下結實故菱寒而菱煖其莖  
蕺之嫩者名為蕺人採以為菜茹八月採劈破取子散著  
池中自生鷄頭作粉食之甚妙河上沿塘梁居人採之舂  
去皮搗為粉蒸煤作餅可以代糧方遂守渤海勸民秋冬  
益蓄菱芡蓋謂其能充飢也 王氏農書

芡鷄頭也一名雁頭一名芡葉似荷而大葉上蹙皺如沸  
突有芒刺其中如米可以度飢也 古今注

芡味耳平无毒主濕痺腰膝痛補中除百疾益精強志能  
令耳目聰明久服輕身不飢耐老一名鷄頭 居家必用

石菱芡二物並是八月熟時收黑子散著池中即自生矣

宜多種儉歲資此足度五年同上

鷄頭菜也。埤雅曰：蓬蒿似鷄首，故曰鷄頭。俗云：荷華日曆夜，飲芙蓉盡，合宵炕此，陰陽之異也。梅聖俞詩云：蝟毛蒼々，磔不死，銅盤蠹々，釘頭生。吳鷄關敗，絳幘碎，海畔扶出，真珠明八閩通志。

茨鷄頭也。幽州人謂之雁頭菜，如荷而大，葉上戲舁如沸，有芒刺，兼有管若鷄雁之頭，又名鴈喙。突內有米圓白如珠，火食宜。人說者曰：与小兒食不能長大，故駐年，或曰茨實蓋溫平耳。然食之必放食而細嚼，足以致上池之津，故能益人，猶如馬鬣短草，則肥說。今茨菱則水物而性異茨。

華而日菱華背日其陰陽向背不同故損益亦不同也周  
礼亦以為加邇之災孽遂為渤海太守勸民冬益蓄果实  
菱茨淮南子曰鷄頭已痿許叔重以鷄頭為水中茨愈頭  
瘡之疾此物水草陂澤多有陶隱居乃云此即今為子形  
上花似鷄冠故名鷄頭鷄冠乃陸草長五六尺幹葉背紅  
其花正紅狀如鷄冠何預茨耶 尔雅翼

茨葉似荷而大其上有數十蹙如沸球生而有芒刺其  
中有未可以濟飢傳云連茨之属有橐縮一名鷄頭蓋其  
蓬鐸似鷄首一名鷄壘莊子曰藥也其实重也枯梗也鷄  
壘也承零也是時為帝者也此言貴賤更事也俗云荷華



日舒夜歛莢華晝合宵炕北陰陽之異也方言曰北燕謂之獲青徐淮泗之間謂之莢南楚江淮之間謂之鷄頭或謂之雁頭狀蓋似禽鳥之首故博以名之周官籩人加籩之實菱芡栗脯菱莢取之水栗脯取之陸所謂之籩豆之實水陸之品也理雅

鷄頭實味甘平无毒主濕痺腰脊膝痛補中除暴疾益精氣強志令耳目聰明又服輕身不飢耐老神壯一名鴈喙實本草經一名莢生雷澤池澤八月採陶隱居云此即今為子形上花似鷄冠故名鷄頭仙方取此并蓮實去皮作粉相似益人勝菱按蜀本經云此生水中葉大如荷欬

而有刺花子若拳大形似鷄頭突若石榴皮青黑肉白如  
菱米也孟詵云鷄頭作粉食之甚妙是長生之藥与小儿  
食不能長大故駐年耳生食動風冷氣蒸之於烈日晒之  
其皮即開亦可舂作粉陳士良云此種雖生於水面有軟  
根名葎菜主小腹結氣痛宜食日華子云鷄頭開胃助氣  
根可作蔬菜食圖經云鷄頭食生雷池今處之有之生水  
潭中葉大如荷鰖而有刺俗謂之鷄頭盤花下結實其形  
類鷄頭故以名之其莖葎之嫩者名鷄頭入採以為菜茹  
八月採實服餌家取其實并中子持爛暴乾再持下篩熬  
金櫻子煎合丸服之云補下益人謂之水陸丹經傳謂其

子為芡 證類本草

鷄頭實今天下皆有之河北沿塘澤居人採得舂去皮搗  
仁為粉蒸泔作餅可以代糧食多不益脾胃氣難消化  
本草衍義

芡名鷄壘亦曰雁頭梁渚臨平在、咸有而湖產特佳香  
輒而粒大西湖游覽志

說文曰芡鷄頭也方言曰北燕謂之葢青徐淮泗謂之芡  
南楚江浙之間謂之鷄頭鴈頭本草經云鷄頭一名鴈喙  
齊民要術

芡葉初生綿如縠南風吹開輪脫幅紫苞青刺攢蜩毛水

面放花波底熟森然赤手初莫近誰料明珠藏滿腹剖開  
膏液尚糲糊大盍磨聲風雨速清泉活火曾未久滿堂坐  
客分升掬紛然咀噍惟恐遲勢若群雛方脫粟東都每憶  
會靈沿南國陂塘種無足求蔣塵土未應慊此物杖來日  
常食蘇子由食鷄頭詩

芡味甘氣平無毒主濕痺腰脊脚痛補中益精開胃助氣  
小兒食之不長蒸暴作粉食良生食動風多食不益脾胃  
且難化一云令膈上熱食物本草

鷄頭實一名芡實蒸之日乾春作粉熬金櫻子汁和丸名  
水陸二仙丹服之能補益人味甘平无毒生食動風冷氣

根名葎菜可作蔬菜食主濕脾腰脊痛補中除暴疾益精  
氣雖志令耳目聰明小兒食不能長大 日用本草

芡俗謂之鷄頭舊史云山陰梅市鷄頭最盛山陰縣志

芡莊子云鷄蹠注鷄頭一名鴻頭亦謂水硫黃以其日中  
開花性甚煖腥俞詩云蝟毛蒼々磔不死銅盤蠹々釘頭  
生吳鷄闔敗絳幘碎海畔揆出真珠明 毘陵志

勃薺薺一作薺即地栗

鳧茨生下田中苗似龍鬚而細根似指頭黑色可食名為  
鳧茨當是鳧好食之爾又有一種根苗似鳧茨而白亦生  
下田中葉有兩歧如燕尾又如剪刀開白花三出名為茈

菰本草云籍姑今人亦謂之剪刀草其生陂池中者高大  
比於荷蒲然其味少苦不及鳬茨之美此菰種水中一莖  
收十二實歲有閏則十三實今黃楊歲長一寸遇閏年則  
否牡丹者遇歲閏花輒小以此知先王之正時歸於終非  
閏五字在尔雅一名芍切都了漢長安有蓮芍藥閏五字未  
必不以此地生蓮与芍而名之也東觀漢記曰王莽末年  
方枯旱民多餓群入野澤掘鳬茨而食之尔雅翼

鳬茨味苦其微寒无毒消渴痺熱温中益氣作粉食之厚  
人腸胃不飢丹石人尤宜又云不可多食相傳謂鳬茨性  
善毀銅著之皆碎未嘗試即今勣薺也食物本草

正月留種之取大而正者待芽生理泥缸內二三月中復移水田中至茂盛於小暑前分種每科離尺五許冬至前後起之耘耨與種稻同豆餅或糞皆可壅便民畜纂  
勤薺即鳧茨出華林者色紅味美不能耐久出陳灣村者色黑而大帶泥可以致速性可軟銅姑蘇志

烏芋色黑者名鳧茨小曰勤薺大曰地栗共一種白色者名茨菰有一種葉大根大名漢菰味同而力勝日用本草  
鳧茨苗如龍鬚草生下田根如小芋而扁色黑八閩通志  
茨菰一名燕尾草根如芋子或名田酥或名地栗鎮江府志  
烏芋味苦其微寒無毒主消渴痺熱溫中益氣一名籍姑

一名水萍二月生葉如芋三月三日採根暴乾本草陶  
隱居云今藉姑生水田中有極狀如澤瀉不正似芋子而  
小煮之亦可噉疑其有烏者根極相似細而美葉垂異狀  
如莧草乎為鳧茨恐此也唐本注云此草一名槎牙一名  
茨菰生水中葉似鐔箭麒麟澤瀉之類也孟詵云茨菰不可  
多食吳人常食之令人患脚又發脚氣癰緩風損齒令人  
失顏色皮肉乾燥卒食之令人嘔水國經曰烏芋今鳧茨  
也旧不著所出州土苗似龍鬚而細正青色根黑如指大  
皮厚有毛又有一種皮薄无毛者亦同田中人並食之亦  
以作粉食之厚人腸胃不飢服丹石人尤宜蓋其能解毒



耳尔雅謂之芍證類本草

烏芋今人謂之勃薺皮原色黑肉硬白者謂之猪勃薺皮  
薄澤色淡紫肉軟者謂之羊勃薺正二月人採食之此二  
等藥罕用荒年人多採以充糧本草衍義

勃薺水田中生味香耳其性潰爛九江府志

鳧茨一名勃薺身闊中地栗相似俗呼為土地栗四明群志  
馬薺子即鳧茨也實小稍類浙中者廣州府志

三山方言茨菰曰蘇傍水多植之雜草在水中過晚摘損  
蘇亦損游宦紀聞

芋薺正月留種取大而正者行芽生理泥缸內二三月間

復移水田中分種每科離尺五許与種稻同豆餅或糞  
可壅水雲錄

地栗可解瘴毒同邑顏壅里宦游廣東其父桴公以地  
栗作粉晒乾寄之但不知出於何書耳允

鳧茨味甘苦滑微寒无毒多食令人患脚氣有冷氣人不  
可食令人腹脹滿同駱肉食患筋急主消渴益氣下丹石  
消風毒除腦中实熱黃疸日用本草

鳧茨生水田中苗似龍鬚草其頭圓黑如銅錢大考之本  
草謂烏芋也又謂之勸齊即武府志

勸齊一名地栗即鳧茨也唯新城為佳建昌志

鳧茨考本草謂之烏芋也又謂之勒齊其葉如龍鬚草其頭圓黑如銅錢大種鳧茨者謂宜硬底田蓋根如土到硬處則盤結平正其性善殺銅取銅錢合鳧茨食之皆碎宋志云出仙游西鄉他處莫及今醴泉里人多種之謂得利比種田倍吳化府志

鳧茨爾雅曰芍鳧莖草木畧

地栗一名勒齊即鳧茨也松江府志

爾雅芍鳧茨註生下田苗似龍鬚而細根如指頭黑色可食疏芍一名鳧莖今俗瀹而嚮之者是也

# 茨菰

茨菰本草名烏芋生稻田中姑蘇志

臘月間折取嫩茅挿於水田來年四五月如挿秧法種之  
每科離尺四五許田最宜肥便民最纂

三月種莖菰先掘地深用蘆蓆舖填排莖菰於上用泥覆  
水侵之農桑撮要

茨菰葉三尖如剪刀草根如鳧茨差大而長味甘方言謂  
之蘇八閩通志

剪刀草按本草圖徑生近水沙磧中葉如剪刀狀苗最軟  
嫩每深青綠每叢十余莖內苗出一兩莖上分枝開小白

花四瓣蓋深黃色根大者如杏小者如杏核色白而莖滑  
一名慈菰一名白地栗一名河鳧茨福州別有一種小異  
採其根葉治癰腫良八閩

今按鳧茨即今地栗又名勣齊外紅黃色中白色味甚甘  
美茨菰則內外皆白而味亦劣不可生啖二種各別鎮江  
府志八閩通志乃混而言之非也蓋其源起於唐本注與  
博者辨之

茨菰生低田中葉有兩岐如鸞尾而大白花一莖十二實歲  
有閏則十三實三出

四明郡志

茨菰味甘主百毒產後血悶攻心欬死產難胎衣不出搗

汁服之愈多食令人患脚又發脚氣癰緩風損齒令人失  
顏色皮肉乾燥卒食之令人嘔水 食物本草

茨菰味苦甘性冷無毒多食令人患脚氣腸風痔痿服丹  
石人食之良孕婦勿食主消渴溫中益氣產後餘血悶亂  
攻心及胎衣不下煮汁服之良下石淋除癰腫 日用本草

茨菰生水田中二月生葉三尖如剪刀草其頭如芋而小  
煮之可食福州人謂之蘇 邵武志

茨菰一名田酥一名白地栗葉如剪股幹如嫩蒲開小白  
花根大如杏 毘陵志

有水茨菰有山茨菰水茨菰福州人謂之蘇葉如剪刀草

其頭如芋而小煮之可食山茨菰藥草也本草云一名金  
灯花葉似車前草根如茨菰又有團茨菰根似小蒜所主  
與山茨菰略同 吳化府志

### 剪刀草

圖經曰剪刀草生江湖及京東近水河溝沙磧中味甘微  
苦寒無毒葉如剪刀形莖葍似嫩蒲又似三稜苗甚軟其  
色深青綠每叢十餘莖內抽出一兩莖上分枝開小白花  
四瓣葉深黃色根大者如杏小者如杏核色白而莖滑五  
月六月七月採葉正月二月採根一名慈菰一名白地栗  
一名河鳧茨土人持爛其莖葉如泥傳諸惡瘡腫及小兒

遊瘤卅毒以冷水調此草膏化如糊以鷄羽掃上腫便消  
退其效殊佳根煮熟味甚甘甜時人作果子常食無毒福  
州別有一種小異三月生花四時採根葉亦治癰腫

烏芋曰藉姑曰水萍曰白地栗曰河鳧茨曰槎牙今人謂  
之茨菰其葉曰剪刀草曰燕尾草

草木畧

茨菰本草名烏芋生稻田中其葉上銳下岐北人呼剪刀

草

松江府志